



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1682. usque ad annum 1690

Fleury, Claude

August. Vind. [u.a.], 1781

VD18 90119231

§. 53. Plures Imperii urbes a Gallis ferro flammaque devastatæ.

[urn:nbn:de:hbz:466:1-67608](https://nbn-resolving.org/urn:nbn:de:hbz:466:1-67608)

„nis multa meliora sperare, infracto-
 „rem pactorum Turcam, licet jamjam
 „expirantium, compefcuit, atque pro-
 „fligavit Altiffimus, compefcet idem,
 „profligabitque aliquando pactorum in-
 „fractorem Gallum, duraturorum ad-
 „huc annos sexdecim. Viennæ die
 „decima octava Octobris Anno Domini
 „millefimo fexcentefimo octogefimo
 „octavo.”

Sæc. XVII.
 A. C. 1688.

§. LIII.

*Plures Imperii Urbes a Gallis ferro
 flammaque devaftatæ.*

Hæc Cæfaris declaratio tam æqua,
 tamque firmis rationibus fuffulta
 videbatur, ut ex foederatis nullus a
 Cæfaris partibus deficeret, cunctique
 Principes belli a Gallis denunciati cauf-
 fas omnino frivolæ, quæfitasque cre-
 derent, ac Christianiffimo Rege indi-
 gnum cenferent, eo tempore Impe-
 rium invadere, quo fupremum illius
 Caput Christiani nominis hoftem ad in-
 citas redigere adlaborabat: Nihilomi-
 nus Ludovicus XIV. Franciæ Rex die
 vigefima quinta Septembris Delphinum
 cum quinquaginta armatorum millibus
 ad rhenum præmiffit, dato negotio ut
 præprimis Philippoburgum expugna-
 ret, quam urbem etiam die trigefima
 Octo-

Mems. hift.
Et Chronot.
Mercur. hift.
Et Politiq.
t. 5. p. 1175.
Hift. du
Princ. Eu-
gen. p. 101.

Sæc. XVII. Octobris deditio cepit. Alio agmine Bouflerus in Palatinatum infesta signa inferens, Keilerslutram, Oppenheimium, Alzeiam, Neostadium ad Hartam, & Crucenacum urbes nec muris nec milite validas, necnon WORMATIAM SPIRAM, TREVERIN, ac demum & MOGUNTIAM, incertum an metu aut proditione, nequidem exploso sclopo occupat, maximamque hujus Provinciae partem armis suis subjicit: Fequierius vero alter Franciæ Marefcallus cum suo Equitatu Franconiam, Sueviamque percurrens, incendiis ac deprædationibus totam qua late patet, regionem foede devastat, atque a miseris incolis quater centies mille octingentos florenos extorquet: Promotis demum castris innoxium Wirtenbergæ Ducem nonnisi duodecim annos natum, capta contra datam Gallici Oratoris fidem Stutgardia Principum Metropoli, ac diruta murorum parte ejecit, atque immodicis exactionibus ac incendiis totum ferme Ducatum exhaustit, necnon Heilbronniam, Offenburgum, & Gengenbaccum deditio occupavit, civesque imperata ubique pecuniarum vi ad redimendam deprædationem & incendia compulit, iisque acceptis, funestas tamen faces urbibus, pagis & arcibus subjicit. Ducassius quoque Heidelbergam

bergam, Manheimium, Franckentha-
 liam, omnemque cis Rhenanum Pala-
 tinatum intra bimestre subegit: Sola
 Confluentia ignivomos Gallorum im-
 bres elusit, foede quidem devastata,
 nunquam tamen suo Principi erepta:
 Ut ergo inhumanis æque ac rapidis
 Provinciarum infestationibus valide
 occurreretur, nova foedera conquirere,
 ac militares Imperii copias contra Tur-
 cam pugnantes ex Hungaria revocare
 oportuit, eo majore rei Christianæ
 damno, quo audacius rebellium Pro-
 testantium Ductor Töckelius Sultanum,
 ne pacem a Cæsare peteret, datis literis
 dehortatus est, auroque Gallico provi-
 sus, duodecim armatorum millia ad
 signa vocavit, uberrimas victoriarum
 segetes sibi pollicitus, eoquod Cæsar
 Lotharingium Ducem & Electorem Ba-
 varizæ cum exercitus sui robore ad
 Rhenum evocasset, relicto in Hungaria
 nonnisi Ludovico Badensi Duce cum
 agmine novis Turcarum viribus impare.

Sæc. XVII.
 A. C. 1688.

§. LIV.

*Seditiosi Calvinistarum tumultus con-
 tra Jacobum II. Angliæ Regem.*

Peropportuna accidit Protestantibus
 Anglis Gallica ad Rhenum expe-
 ditio; cum enim Cæsar & plerique Prin-
 cipes

Jäger hist.
 Eccl. 1. 2.
 cap. 4.